

廣德州志卷五十八

雜志

祥異 軼聞

兵寇 叢綴

志何以終於雜也祥異爲天事而實由人興瑞不足矜災當知所以弭也兵寇爲人事而實隨乎天運因乎地勢備禦在平時敬慎在臨事也之二者不恒有而皆不可不知州之事多矣其應載於前者已無或漏而零篇剩簡咸入搜羅謂之軼聞他若街談巷語幽怪傳疑宇宙間所不必有而此邦傳說信而有徵亦不宜概削慎取之爲叢綴蓋雖一帙之書而上下數千年之事存焉

廣德州志

卷五十八

祥異

一

矣

祥異

五行災沴歷代皆有史志書之以爲占驗蓋寓勸戒之意焉萬厯志分瑞應災異爲二門瑞固寥寥災亦闕陋夫廣德之瑞孰有如孝武神龜之獻乎其災異則自宋紹興以來見於正史及通考者甚明乃於宋僅列三條而建災德祐二條皆兵寇也與災異何涉元世水旱亦皆不載今以祥異統之使知以虎渡河爲偶然者眞長者之言而棄常妖興爲君子所深懼

也

宋孝武帝大明三年三月戊子毛龜見宣城廣德太守張

辯以獻

宋書符瑞志 案是時廣德隸宣城故郡守以獻

案自漢迄唐史所紀災祥皆舉郡曰丹陽宣城無專

言廣德者惟劉宋此則為瑞之最著者今首列之

宋徽宗大觀元年甘露降於建平縣凡十有二日

通志 據門志

在四月二日

二年廣德軍芝草生

宋史五行志

高宗紹興四年廣德水害稼

文獻通考下同

廣德州志

卷五十八

祥異

二

案是年安豐紹興甯國廣德筠州皆水害稼通考連

書之今專書廣德從省文也後倣此自此至明初凡

史傳書廣德者皆統所領二縣言之其專屬建平者

直書建平洪武以後領一縣故凡專屬本州者不復

言州或州與建平同者則書州屬

孝宗隆興二年七月廣德軍大水

宋史五行志

乾道六年五月廣德軍大水

五行志水屬又土屬云冬廣德軍饑

九年五月廣德軍水

五行志續文獻通考云民艱食

淳熙二年旱廣德軍為甚

五行志金屬又土屬云廣德軍亦艱食

三年八月水廣德軍建平縣尤甚五行志

七年大旱廣德軍尤甚五行志金屬又土屬云廣德民大饑

案是年旱饑亦見**文獻通考**其注云令出常平米賑

之萬歷志書宋時廣德饑止此一年又云太守張廣

出常平米賑之考是年守係耿秉非張廣據**通考**賑

米出自朝命亦非守也**楊門等志**刪之為是

八年七月不雨至於十一月廣德軍旱五行志金屬又土屬云大饑

十年廣德軍旱本紀

光宗紹熙三年廣德軍自己亥至於六月辛丑朔雨甚五行志

廣德州志

卷五十八 祥異

三

志木屬六月辛丑建平縣水敗隄入城漂沒民廬五行志水屬

屬

四年五月廣德軍屬縣水害稼五行志下同

甯宗嘉定八年春旱首種不入至於八月乃雨廣德旱為

甚

十一年秋不雨至於冬廣德軍旱又文獻通考云蔬麥皆枯

十六年五月水廣德軍為甚

理宗紹定元年建平縣麥一莖四穗門志通志作廣德案門志作四月八

日瑞麥云云麥之生難以日紀故去之知縣袁君儒圖上之刻石縣治縣志

元世祖至元二十八年三月廣德路饑元史五行志 帝

成宗大德元年六月廣德路饑元史五行志

案是月書饑者止此一路

二年正月廣德水元史帝紀
續通志同

六年六月廣德路饑元史五行志
帝紀同

武宗至大元年春正月廣德路饑元史帝紀
下同

英宗至治元年夏四月廣德路旱

泰定帝泰定元年正月廣德路廣德縣饑元史五行志
下同

案帝紀書廣德路五行志并書廣德縣則知是年之

廣德州志 卷五十八 祥異 四

饑獨在廣德縣也

二年五月廣德饑

文宗天曆元年八月廣德路水元史五行志
帝紀同

二年四月廣德路饑元史帝紀
下同

至順元年二月廣德路饑

明太祖洪武元年廣德旱明史帝紀洪武元年閏七月免
廣德被災田租二年詔稱廣德

去歲
遇旱

太宗永樂十八年旱萬曆志**案**此下參用楊門李縣
等志其同者不復注互異者注

憲宗成化十六年祠山廟災萬曆志
下同

孝宗宏治五年迅雷擊祠宇公署獸春 四月奸人王實
冒稱廣德守同知察其僞執之伏罪

十三年潢水塘清是年烏集公座鶴產譙樓鴿變白
州守孫紘有德政民以四者之瑞其所感云

十四年六月水溢州城

十六年五月佑聖閣災

十八年秋九月地震

武宗正德二年妖魔晝見 桃李冬花

三年大旱子粒無收草根樹皮採食殆盡

廣德州志

卷五十八

祥異

五

四年春饑人相食 夏大疫死者萬計遺骸載道 秋

大水灌城 冬冰堅地拆禽獸草木皆死

八年蓮並蒂 白兔見

十五年譙樓鐘不叩自鳴者數日知州江暉命杖之乃
止

十六年麥一莖三穗 竹一榦雙莖 枯桂重榮 潢

水重清 時謂知州江暉政理人和所致

世宗嘉靖三年疫癘大作

四年春三月隕霜殺草 秋八月蝗蟲害稼

案是年蝗蟲楊志作蠓考蠓之名宋以前未之見宋史五行志始載太平興國元年七月泗州蠓蟲食桑又雍熙三年四月天長軍蠓蟲食苗蓋食葉之蟲也獨江南有之史不詳何狀此間所謂蠓小而白色傅苗啞葉動之屑落如麥麩浮水須臾躍起傅葉如故苗爲萎落亦有青色者殆以形似爾雅蠓蠓人因呼蠓與其蟲與蝗迥別且此係嘉靖年事舊志所載當得其實不知楊志何據而改之也

五年靈雨害稼

廣德州志

卷五十八

祥異

六

六年秋七月雨雹大如拳禾稼及鳥獸觸者皆死

七年四月建平有鸚鵡巢於樹生雛毛羽純白牧子得

之獻於官

縣志

八年六月飛蝗蔽日不害稼

萬厯志下同

案志又云廣德有蝗自此始然四年

已書
蝗矣

十二年冬十一月花紅滿樹如春

十四年夏秋不雨 九月蝗蟲大作

十五年春三月蝗蟲食麥兼害禾秧本州示民捕蝗一

石給穀二石後連日霧霾蝗遂滅不爲害

案是時知州朱麟

嘉靖間建平夏村生連理樹十年後生貞女夏氏人以爲連理之應云 又有楓曰鴛鴦先是成化間縣南四十里居民王氏庄前有楓樹初生二尺許卽歧而爲兩榦又二尺許復合而爲一因名其地曰鴛鴦楓至嘉靖末其家伐而爲薪根抽一葉其分合復如前云縣志

神宗萬曆二年八月建平縣東四十里山出蛟蜃洪水暴至漂沒甚衆三日始退縣志下同

十四年十月建平溪南鎮山邊倏有一熊折樹巨枝如拉朽人環攻之走於淖中被擊而斃

廣德州志

卷五十八

祥異

七

十五年春靈雨不絕建平水浸民居斗米值二錢門志下同

縣志作三錢

十六年建平大旱

十七年譙樓災萬曆志 建平大旱門志

二十三年五月十七日大雨三晝夜建平水大湧溢破圩七十餘所縣志

二十五年祠山近斗樓災萬曆志 建平縣西南七里赤

山色素赭至是忽青縣志三四載不變縣志案志云赤

多青山二字故去之

二十七年二月建平鴛鴦楓地名見前旁生竹一本出地尺

許卽分兩榦而上高二丈餘 麥穗兩歧或有三歧者

五月山東里園中茄一蒂駢生五實縣志下同

三十六年建平大水圩堤盡沒

四十四年九月廣德蝗蝻大起禾黍竹樹俱盡明史五行志

四十五年建平大旱飛蝗蔽天縣志

四十七年舍東都地拆數十丈深廣五尺李志

案李志原文有天牛耕地每一犁深廣五尺長數十

丈殊屬荒誕故去之

廣德州志

卷五十八

祥異

八

四十八年地震楊志

熹宗天啟三年祠山殿災楊志

冬建平地震門志

四年七月地震楊志

是年建平大水門志

五年建平大火自吳家巷至雙井延燒居民千餘家門志

下同

懷宗崇禎五年冬建平雨木冰

七年六月建平儒學前擊斃瓦雀萬餘頭案擊字上有脫字或擊字

誤

十一年建平大旱蝗

案富春陳起龍戊寅秋日陟橫山詩云欲覓招提問化機平原一望映斜暉遠空楓葉飛紅綺古刹鐘聲出翠微御輦時巡勞駐蹕豐碑雄視共瞻依公餘出郭聊停節滿目蝗蝻淚欲揮據此則是年之蝗不獨建平矣
志失載

十二年旱蝗不為災

楊志下同

十四年大旱蝗斗米千錢遺骸載道

十六年建平善政坊有土人家雞雛四足

縣志

十七年州西災延燒數十間

案以間計者一家之屋如是也數十間不言某氏屋當是數十家

除夕州前寨門即今州治頭門蓋以舊為軍故稱寨

門無故夜崩

楊志

廣德州志

卷五十八 祥異

九

國朝

順治二年春正月朔開印鎖固不可啟破篋出之 李生

一子大如瓜

楊志

三月建平縣有文士十餘人飲酒於

市旁有犬忽作人言曰汝等都是鬼驚叱之又曰滿街

都是鬼迨五月十五日馬士英兵至殺人千餘至閏六

月二十八日復殺人數千骸骨相枕市中虛無人 四

月四日建平 文廟櫺星門無風自開

縣志

十一年建平麥秀雙歧

通志

案門志作四月東郊外麥一莖兩穗

十二年旱災

通志

十八年建平旱

縣志

康熙二年州屬犬穰

李志

三年建平大穰

縣志
下同

四年建平水

五年正月虎傷人先是千畝園地方有篠篁蒙稠亘二

十里為虎窟穴自上年秋冬屢出肆虐知州楊苞命獵

戶以火炮擊殺者數十至是報傷累累乃為文祭虎神

而盡伐叢篁焉

見楊志

七年建平稔

縣志
下同

廣德州志

卷五十八

祥異

十

十年建平旱

十一年建平水

十三年建平稔

十九年正月潢水塘澄清三月餘

門志
云止半月餘

案梅銷

建

平旱

縣志

是年有虎傷人及畜知州門可榮有牒城隍

司驅虎文

門志

其文云各鄉保報猛虎無數橫行原野盤踞山林到處傷人及畜不勝切齒痛心又

云涼德薄才履任乏善當即此年故附于此

二十一年四月佑聖閣災

門志

二十三年建平水

縣志
下同

二十九年建平大雪

三十年建平稔

三十二年州屬旱李志

三十八年建平稔縣志

四十年烈日中雷電迅擊風雨驟至泮池水湧數尺有

物蜿蜒直上櫺星門盡仆李志

四十三年建平稔縣志

四十七年建平水

五十三年建平旱

廣德州志

卷五十八

祥異

十一

五十五年州屬旱李志

五十六年建平稔縣志

五十九年建平稔

雍正元年建平有飛蝗蔽天原文云一隊長數十丈自北而西所過

禾稼無損是年大穰

四年建平水

五年建平水

七年建平大稔縣志稱成熟云云

八年建平西鄉水

九年建平稔

乾隆元年北山猛虎成羣食人甚夥白晝人不敢行知州

李國相有告城隍驅虎文

李國相志

四年北鄉麥一莖兩穗

李國相志

州後圃池白蓮並蒂

李國相志

相有詩多和者合爲一冊

十六年大旱荒

十七年夏旱

二十年秋蠓害稼

二十一年春大饑斗米錢四百文民食粃糠及橡子

廣德州志

卷五十八

祥異

十二

濮陽模乙亥丙子奇荒紀事詩辛未雖大旱仰賴

皇仁弭乙亥復奇荒禍延及丙子夏間風雨時良苗碩且

美誰知秋風來有蟲細如蟣攢禾莖中禾葉皆披靡

豐忽變爲凶千塍槁若燬比戶盡啼饑村落半逃徙春

初抑米價米價越騰起斗米四百錢中有五升水水米

亦難求持錢空入市市中何所有橡子及糠粃木皮百

草根種種皆供嘴勸賑名救荒大半欲肥己東西兩粥

廠日僅數斛米清湯不療饑得者更無幾城外叢塚高

累累皆新鬼卽此餓莩徒催課甯饒爾朝飲官裏粥暮

受公庭捶生者鬻妻孥死者累隣里天災尚可支人害

九閻裏何能抵誰描鄭俠圖上達

二十二年有狼白日八人家噬小兒甚夥江南舊無狼

至是忽有之相傳狼畏圈多以炭或紅土畫圈牆上以

辟之

濮陽模有紀異詩

二十八年秋地震

三十七年五月梅雨大作忽夜震雷有蛟自山出溪水暴漲漂沒廬舍多溺死者諺云五月壬子破水在山頭

過是歲五月壬子日雨果有此應

濮陽慎有溪漲行
哀溺行紀其事

四十年夏旱荒 六月民間相傳小兒有災著紅兜肚

可免數日而遍 冬十二月二十五日夜大雪有雷

四十一年夏四月水

四十三年夏旱

五十年春三月夜地震有聲 自夏至秋不雨斗米錢

廣德州志

卷五十八

祥異

十三

五百文民食草根木皮幾盡溧陽交界山有土青白色
取和麥粉藉以救饑俗呼觀音粉食者或至悶死 建
平蝗所過寸草無遺

五十一年夏五月州屬麥秀兩歧先是有蟲如蠶黑色
亦有青赤者食麥葉幾盡雨後忽不見麥大熟有一莖
兩歧者而建平至有三四歧縣令周作淵呈於上憲時
蒙城阜陽及宿州並有是瑞總督李 巡撫書

奏聞

案郡向不聞有是蟲方食葉時民皆愁歎以爲必無

麥矣走禱羣神未幾自滅稔穗秀發稔倍常年東坡
志林載雍邱令米芾有書言縣有蟲食麥葉不食實
既食其葉則實自病爲害甚於蝗有小甲蟲見輒斷
其腰而去俗謂旁不肯今此蟲頗與相類乃無待旁
不肯之驅除而麥自不爲害俗謂神力所致并目蟲
爲瑞蠶建平亦同此說然實

天休滋至

盛世嘉祥觀奏章與採山得米挖草見糧同稱上瑞而宿
郡蒙城亦有三歧之應又豈漁陽豐水僅見一隅者

廣德州志

卷五十八

祥異

十四

所可媲美哉

是年夏五月十六日初昏有星大如月西北流其聲如
雷 秋禾大熟

以上胡志

乾隆六十年夏旱饑

裕志

嘉慶十三年夏旱不爲災

裕志

案湖州府志是年五月至七月不雨石米錢五千

十九年自三月至十一月不雨大旱饑

裕志參
新通志

二十三年七月朔日午大風雨雷電隱約有金龍起自
東南向西去州署前鼓角樓圮拔木壞民房天壽寺塔

頂鐵蓋二飛擲殿庭

裕志

道光元年州民耿世安五世同堂

裕志引
通志

三年淫雨自四月至五月不止山水暴發不爲災

裕志

四年春米價翔貴斗米錢五百

以下
新纂

十二年夏旱不爲災

二十年建平水災

新通志

二十一年十一月大雪深丈餘道路不通月餘人多凍

死山獸入人家厨竈

二十五年五月久雨水勢驟長溪田多衝沒

廣德州志

卷五十八

祥異

十五

二十九年淫雨自四月至六月不止大水溢入州城田

禾淹沒大饑斗米錢六百

三十年八月二十四日大雨積潦不爲災

咸豐三年三月地震連日月餘始定

四年十一月溪水忽漲起尺餘溝渠池沼皆然少頃卽

平

五年五月十三日夜州北鄉東川村張眞君廟爲暴風

捲去無片瓦存後得眞君像於逃牛嶺是年秋建平雨

黑豆

六年夏五月至六月不雨大旱九月蝗大饑斗米錢六
百

七年夏旱蝗

九年新建試院成旗竿蹶其一 夏州民家蓄犬無故
皆升屋 除夕大北鄉村庄犬號如人哭聲

十年二月初三日粵匪竄入州境 詳見兵寇 日久田地荒蕪

斗米錢二千人相食野無青草 四月大風拔木

十一年十二月二十七日大雪至除夕止積深數尺

同治元年大疫先是州民在賊中困苦流離死者過半至

廣德州志

卷五十八

祥異

十六

是又病疫五月至八月積尸滿野傷亡殆盡

十年三月建平大風拔木壞民房 新通志

光緒二年八月民間相傳妖人翦雞毛及人髮辮至九月
止

三年夏飛蝗入境

五年夏旱州東北鄉歉收十一月十五日夜雷

以上新纂